



Općinski načelnik

Broj: 01-04-15-499-10/22
Busovača, 11.03.2022. godine

Općinski načelnik, na osnovu člana 100. stav 1. i 3. Zakona o javnim nabavkama BiH («Službeni glasnik BiH», broj: 39/14), člana 38. Statuta Općine Busovača – prečišćeni tekst («Službeni glasnik Općine Busovača», broj: 8/13), i člana 233. Zakona o upravnom postupku (Službene novine FBiH broj 2/98 i 48/99), odlučujući po žalbi ponuđača Lumberjack d.o.o Sarajevo, izjavljenoj na Odluku o izboru najpovoljnijeg ponuđača broj: 01-04-15-499-6/22 od 28.02.2022.godine u konkurentskom postupku javne nabavke robe – Nabavka i sukcesivna isporuka uglja za potrebe Općine Busovača za grejnu sezonu 2022/2023 (broj obavještenja: 1176-7-1-1-3-4/22 od 14.02.2022.godine), **d o n o s i**

ODLUKU

1. Usvaja se žalba ponuđača Lumberjack d.o.o Sarajevo, izjavljena na Odluku o izboru najpovoljnijeg ponuđača broj: 01-04-15-499-6/22 od 28.02.2022.godine u postupku javne nabavke Nabavka i sukcesivna isporuka uglja za potrebe Općine Busovača za grejnu sezonu 2022/2023 kao osnovana
2. Poništava se Odluka o izboru najpovoljnijeg ponuđača broj: 01-04-15-499-6/22 od 28.02.2022.godine i Zapisnik o ocjeni ponude broj: 01-04-15-499-4/22 od 25.02.2022.godine
3. U postupku javne nabavke nabavke „Nabavka i sukcesivna isporuka uglja za potrebe Općine Busovača za grejnu sezonu 2022/2023“ ugovor se dodjeljuje ponuđaču «LUMBERJACK» d.o.o. Sarajevo, ponuda, broj: 016/22 od 18.02.2022. godine, za ponuđenu cijenu u iznosu od 15.680,00 KM bez PDV-a, odnosno u iznosu od 18.345,00 KM sa PDV-om
4. Izabrani ponuđač iz tačke 3. ove Odluke dužan je dostaviti dokumente iz člana 45. stav 2. tačka c) i d) Zakona o javnim nabavkama navedene u tački 3.1. Tenderske dokumentacije konkurentskog zahtjeva za dostavu ponuda, u roku od 7 (sedam) dana od dana prijema ove odluke.
5. U skladu sa članom 98. stav 5. Zakona o javnim nabavkama BiH, ugovor o javnoj nabavci dostavit će se ponuđaču iz tačke 1. ove Odluke najkasnije u roku od 10 (deset) dana od dana dostavljanja ove odluke.
6. Za izvršenje ove Odluke zadužuje se i ovlašćuje Služba za prostorno uređenje, urbanizam i stambene poslove i Služba za finansije i trezor, svako u okviru svojih ovlaštenja.
7. Ova Odluka stupa na snagu danom donošenja i objavit će se na web-stranici Općine Busovača www.opcina-busovaca.com, te istovremeno uputiti ponuđačima koji su učestvovali u postupku javne nabavke, u skladu sa Zakonom o javnim nabavkama

Obrazloženje

Na osnovu Odluke o pokretanju postupka javne nabavke broj: 01-04-15-499-1/22 od 14.02.2022. godine Općina Busovača je pokrenula otvoreni postupak javne nabavke usluga „Nabavka i sukcesivna isporuka uglja za potrebe Općine Busovača za grejnu sezonu 2022/2023“

Obavještenje o nabavci br.11761-1-1-3-4/22 objavljeno je na Portalu javnih nabavki dana 14.02.2022.godine.

Komisija za javne nabavke je nakon javnog otvaranja ponuda izvršila evaluaciju istih, te je sačinila Zapisnik o ocjeni ponude broj: 01-04-15-499-4/22 od 25.02.2022.godine. Na osnovu navedenog zapisnika i preporuke komisije, donesena je Odluka o izboru najpovoljnijeg ponuđača broj: 01-04-15-499-6/22 od 28.02.2022.godine (u nastavku: Odluka o izboru). Odlukom o izboru kao ekonomski najpovoljniji ponuđač izabran je Valvoson d.o.o. Busovača.

Dana 02.03.2022.godine uvid u sve ponude (ukupno četiri) izvršio je Lumberjack d.o.o. Sarajevo. Dana 09.02.2022. godine ugovorni organ je zaprimio žalbu na Odluku o izboru ponuđača Lumberjack d.o.o. Sarajevo.

Prije nego se upusti u meritorno odlučivanje, ovaj Organ će pristupiti provjeri formalnih pretpostavki za izjavljivanje navedenih žalbi, odnosno ispitat će da li je žalba blagovremena, dopuštena i izjavljena od ovlaštenog lica.

Uvidom u potvrde o dostavi Odluke o izboru i Zapisnika o ocjeni, ovaj organ je utvrdio da su isti akti dostavljeni žalitelju dana 03.03.2022.godine, žalba je uručena putem preporučene pošte i u organu zaprimljena 09.03.2022. što navedene žalbe čini blagovremenim. Žalbu je u ime žalitelja potpisao direktor Muhamed Helać. Žalbe su dostavljene u dovoljnom broju primjeraka i u skladu sa poukom o pravnom lijeku.

Žalba je dopuštena, blagovremena i izjavljena od strane ovlaštenih lica.

Žalitelj žalbu izjavljuje u pogledu neusklađenosti ponude ponuđača Valvoson d.o.o. Busovača sa zahtjevima postavljenim u tenderskoj dokumentaciji. Žalbeni navodi mogu se sumirati na sljedeći način:

Žalitelj smatra da je ponuđač Valvoson d.o.o. Busovača u obrascu za cijenu ponude naveo rok važenja ponude 59 dana, što nije u skladu sa zahtjevom iz TD, zatim navodi da je Valvoson d.o.o. Busovača u svojoj ponudi, kao dokaz tehničke sposobnosti dostavio Izvještaj RMU Zenica, koji je „sumnjive validnosti“, te da nije uredno parafirao više stranica ponude.

Žalbeni navod u pogledu roka važenja ponude nije osnovan:

Uvidom u ponudu Valvoson d.o.o. Busovača ovaj organ je utvrdio da niti u obrascu ponude, niti na bilo kojem drugom mjestu rok važenja ponude nije određen na 59 dana. Na stranici 3. ponude ponudaj je slovima i brojevima upisao da ponuda važi „60 (šezdeset)“ dana. Na strani 4. u Obrascu za cijenu ponude se i ne upisuje se rok važenja ponude, već rok plaćanja, koji je također naveden kao rok od 60 dana.

Žalbeni navod u pogledu validnosti dokaza za ocjenu tehničke sposobnosti: Izvještaj o ispitivanju kvaliteta uglja je osnovan:

Ponuđač Valvoson d.o.o. Busovača na strani 10 ponude dostavio je Izvještaj o ispitivanju kvaliteta uglja. Isti je izdao Rudnik mrkog uglja Zenica. Izvještaj ne sadrži pečat, kao obavezni dio akta shodno Članu 5. Pravilnika o kancelarijskom poslovanju u FbiH (Službene novine FbiH br: 96/19).

Također, Institut za akreditovanje BiH vodi registar akreditiranih tijela za ocjenjivanje usklađenosti sa podacima područja i opsega akreditacije. U navedenom registru za skup akreditacije ugallj (Specifične usluge ocjenjivanja usklađenosti za koje je tražena ili odobrena akreditacija) RMU Zenica se ne nalazi na spisku akreditovanih tijela.

Tačkom 3.3. a) Tenderske dokumentacije ugovorni organ je kao dokaz zahtijevao:

U cilju dokazivanja tehničke sposobnosti, ponuđač je dužan dostaviti original ili ovjerenu kopiju dokumenta/analize/certifikata i sl. izdatu od ovlaštene institucije/labaratorije kojim se dokazuje da ponuđeni ugallj u svemu odgovara svim traženim karakteristikama iz tehničke specifikacije.

Shodno Zakonu o akreditiranju BiH („Službeni glasnik BiH”, broj 19/01) “akreditiranje“ je stručna procedura kojom se preko dodijeljene akreditacije formalno priznaje da je neko tijelo ili osoba kompetentna za obavljanje određenih zadataka u području ocjenjivanja usklađenosti. Obzirom da RMU Zenica nije ovlašten da ocjenjuje usklađenost traženog uglja, te da Izvještaj ne sadrži pečat, ovakav dokaz tehničke sposobnosti dostavljen u ponudi ponuđača Valvoson d.o.o. Busovača je neprihvatljiv.

Žalbeni navod u pogledu nenumerisanja/ neparafiranja stranica ponude je osnovan:

Članom 57. stav (1) ZJN propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije;

Članom 68. stav (4) tačka i) ZJN kojim je propisano da ugovorni organ obavezno odbacuje ponudu koja nije potpuna i ne ispunjava zahtjeve iz tenderske dokumentacije.

Članom 16. Uputstva za pripremu modela tenderske dokumentacije i ponuda („Službeni glasnik BiH“, br. 90/14, 20/15) normirano je da postupak pregleda i ocjene ponuda obavlja komisija za javne nabavke, odnosno članovi komisije koji su stručne osobe i/ili stručne službe ugovornog organa, te ako je potrebno nezavisne stručne osobe, na osnovu uslova i zahtjeva iz tenderske dokumentacije.

Iz citiranih odredbi proističe da ponuda, da bi bila prihvatljiva, mora da ispunji sve uslove koje je ugovorni organ postavio u tenderskoj dokumentaciji, a to znači i da u ponudi bude dostavljeno sve kako je ugovorni organ tražio, na način na koji je ugovorni organ tražio. Ponuda u kojoj nisu parafirani i numerisani svi listovi (što je ugovorni organ tražio tenderskom dokumentacijom), ne ispunjava uslove iz tenderske dokumentacije.

Ponuda ponuđača Valvoson d.o.o. Busovača odbacuje se u skladu sa članom 68.4.i) Zakona o javnim nabavkama iz razloga detaljno obrazloženih u okviru pojedinačnih navoda žalbe.

POUKA O PRAVNOM LIJEKU: Protiv ove odluke, može se uložiti žalba u pisanom obliku Uredu za razmatranje žalbi – Filijala Mostar putem ugovornog organa – Općine Busovača u roku od pet (5) dana od dana prijema Odluke.

Prilog:

1. Kopija stranice 3. i 4. ponude ponuđača Valvoson d.o.o. Busovača

Dostaviti:

1. Ponuđačima 4x,
2. Sl. za finans. i trezor,
3. U spis,
4. a/a.

OPĆINSKI NAČELNIK
Asim Mekić, dipl.ing